

Ugovorne strane:

MINISTARSTVO UNUTRAŠNJIH POSLOVA KANTONA SARAJEVO, Sarajevo ul. La Benevolencije broj 16, koje zastupa ministar Admir Katica (u daljem tekstu: Kupac) i

"GREEN OIL" d.o.o. Sarajevo, ulica Marka Maruluća broj 4, ID broj 4200851420006, koje zastupa direktor Reko Muhović (u daljem tekstu: Prodavac) zaključile su:

UGOVOR o nabavci lož ulja

Član 1.

Predmet ugovora je nabavka lož ulja za potrebe Ministarstva unutrašnjih poslova Kantona Sarajevo.

Nabavka je provedena na osnovu Odluke broj 01-11-4-4645 od 29.07.2022. godine i Obavještenja o nabavci broj 1364-1-1-70-3-49/22 od 10.10.2019. godine.

Ugovor se zaključuje u skladu sa uslovima iz tenderske dokumentacije, ponudom prodavca i odredbama Okvirnog sporazuma broj OI -11-4-4345-4 od 07.12.2022. godine.

Predračun Prodavca broj 2-11/2023-4108 od 03.04.2023. godine, čini sastavni dio ugovora.

Član 2.

Ukupna vrijednost ovog ugovora iznosi 26.094,20 KM sa uključenom taksom i PDV-om (dvadesetšesthiljadadevedesetčetiri i 20/100 KM).

Jedinična cijena za jedan litar lož ulja se obračunava prema važećem OPC-u umanjena za popust ostvaren na e-aukciji (14,05%).

Član 3.

Kupac će ugovorenu cijenu plaćati u roku od 60 dana od dana isporuke i dostavljanju fakture.

Član 4.

Prodavac je dužan da izvrši isporuku u roku od jednog dana od dana dostavljanja narudžbenice na lokaciju koju navede Kupac.

Prodavac se obavezuje da ugovorenu isporuku izvrši u svemu prema propisima, standardima i normama kvaliteta koji važe za vrstu robe kojaje predmet nabavke.

Prodavac se obavezuje da će isporučiti robu u skladu sa prihvaćenom ponudom i da će odmah postupiti po eventualnim primjedbama Kupca u pogledu, eventualnih nedostataka. Kupac će utvrditi razuman rok za ispravku propusta Prodavca.

Član 5.

Prodavac je dužan, u roku sedam dana od dana obostranog potpisivanja ugovora, dostaviti garanciju za dobro izvršenje ugovora u oblikubezuslovne bankarske garancije u iznosu od 10% od ukupne vrijednosti ugovora (vrijednost ugovora sa PDV-om), sa klauzulom plativo na prvi poziv korisnika garancije bez prava prigovorasa sa rokom važnosti: rok izvršenja ugovorenih obaveza + 30 dana.

Član 6.

Ukoliko poslije zaključenja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti, bolest i slično.

Strana u ugovoru koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Sva, eventualno sporna pitanja rješavat će se dogovorom, štiteći obostrane interese.
U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 8.

Prodavac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 9.

Ovaj Ugovor stupa na snagu danom potpisivanja ovlaštenih predstavnika i traje do realizacije ugovorenog iznosa, ali ne duže od trajanja okvirnog sporazuma.

Član 10.

Ovaj ugovor sačinjen je u četiri istovjetna primjeraka, od kojih po dva primjerka zadržava svaka ugovorna strana.

PRODAVAC

direktor, Reko Matić



Broj: 09-04/23
Dana: 11.04.2023.god.

KUPAC

ministar, Admir Katica



Broj: 01-11-4-4345-6
Dana: 10.04.2023. godine